



Broj: 04-40-1-72/26
Sarajevo, 14.03.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 13.03.2026. do 08:30 sati 14.03.2026. godine**

U izvještajnom periodu Kantonalni operativni centar civilne zaštite zaprimio je jednu informaciju o pronalasku NUS-a i to dana, 13.03.2026. godine u 11:15 sati od strane građanina, da je u ulici Sulejmana Filipovića br. 2., Općina Novi Grad, pronađena jedna ručna bomba.

O primljenoj informaciji obaviješteni su pripadnici Tima za UES Federalne uprave civilne zaštite, koji su navedeno neeksplozirano ubojno sredstvo preuzeli isti dan.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 17 intervencija, od toga jednu veću i 16 manjih intervencija.

Veću intervenciju imali su dana, 14.03.2026. godine u 00:05 sati u ul. Gornja Jošanica br. 45., Općina Vogošća, gdje je došlo do požara na kući. U gašenju požara učestvovalo je šest vatrogasaca sa dva vatrogasna vozila. Jedna osoba smrtno stradala.

Manje intervencije: šest na gašenju niskog rastinja, jednu na gašenju dimnjaka, jednu na gašenju smeća u kontejneru, jednu na gašenju automobila, jednu na gašenju kotlovnice, jedan izlazak na lice mjesta po dojavi da se u stanu zgrade pojavio dim i pet obezbjeđenja na Međunarodnom aerodromu Sarajevo.

Općinski operativni centar civilne zaštite Stari Grad: U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i materijalnih dobara. Uposlenici Službe civilne zaštite Općine Stari Grad Sarajevo, na osnovu zadataka zaštite i spašavanja, dana 13.03.2026.godine, izvršili su obilazak i osmatranje terena na lokalitetima Curine njive, Knjeginjac i Bistrički potok. Obilaskom klizišta Curine njive utvrđeno je da nema većih promjena u odnosu na prethodni dan. I dalje je prisutan konstantan dotok vode iz pravca deponije koji se ulijeva u

drenažni kanal. Na zonama ispod igrališta, na završetku drenažnog kanala i ispod deponije i dalje su vidljiva oborena stabla. Na dijelu ispod igrališta evidentirano je slijeganje zemljane mase i osipanje zemlje prema prvim stambenim objektima. Nove pukotine nisu uočene dok su na postojećim primjetne promjene u vidu njihovog širenja uslijed vremenskih uticaja. Na lokalitetu Knjeginjac vidljivo je slijeganje zemljane mase prema klizištu, tačnije na gornjem dijelu deponije. U donjem dijelu i dalje je prisutna voda, kao i blatnjave površine. Nije uočeno novo dovlačenje zemljanog niti drugog materijala. Na lokalitetu Bistričkog potoka i duž istog ne izvode se radovi na raščišćavanju, tako da je isti u dijelu nasipa zatrpan kamenjem i stablima. Dotok vode kroz Bistrički potok sa Trebevića u povećanim količinama, dok se sa kaptaže izvora kod mosta na Boguševcu i dalje ulijeva višak vode u korito potoka.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih rdova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave iznosila je 5°C, vlažnost zraka 62%, barometarski pritisak 936,5 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Zbog održavanja fudbalske utakmice, danas će u vremenu od 16 do 20:30 sati za saobraćaj biti zatvorene ulice Bulevar Ivice Osima (od raskrsnice sa ulicama Put Mladih Muslimana i Azize Šaćirbegović do raskrsnice sa ulicom Hamdije Ćemerlića) i Topal Osman Paše (od raskrsnice sa ulicom Kemala Kapetanovića do raskrsnice sa ulicom Bulevar Ivice Osima).

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvija po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a